

藥性辭源

大衆實用



上海中央書店
印行

民國二十六年五月初版

藥性辭源 全一冊

實價國幣一角二分

外埠酌加寄費匯費



編述者	馮
校訂者	汪
出版者	上海中央書店
印刷者	上海中央書店
發行者	上海中央書店

總發行所上海
四馬路世界里
中央書店

分發行所上海及各省各大書局

大衆實用
藥性辭源
馮伯賢編述

1 9 3 7

上海中央書店印行

大衆實用藥性辭源

中國醫學專修館教授馮伯賢編述

(卷頭語)

藥物學站在醫學線上。佔最重之地位。誠習醫者之基本學也。因其各種性味之不同及泡製之各異。故須以詳加研究。使用於處方之需。夫醫之用藥。如將之用兵。醫用藥不妥。足以殺人。將用兵不精。足以弱國。由此推之。醫藥是人民疾病保障。非功深研究。則貽害於社會。豈非軟化殘殺人民。良心與道德自問不安。回顧吾國數千年之醫學。雖有悠久之歷史。豐富之實驗。而派別各異。學說含有過神之談論。說繁詳。實用頗少。往往使初學者似難着手入門。且無研究改革之特點。方今二十世紀科學昌明。環境轉異。五行六氣玄虛之文。似擬有刷新之必要。若再徒守封建制度。而無吐故納新之改革。効仿科學化戰線上奮鬥自新。將古學努力發揚光大。勉救數千萬元西藥入超驚人進口。吾醫之責任爲國爲民關係重大。影響國之盛衰。雖欲淘汰而不可得哉。本書力求簡明實用。採取前人之合乎理論。後人之新學識。互相混合。使學者一覽瞭然。惟恐材學淺陋。或有偏見。在所難免。還希讀者共同研究指教。

大衆實用藥性辭源目錄

一	丹皮	一七	吳萸	三三	槐花
二	黃連	一八	伏龍肝	三四	夏枯艸
三	胡黃連	一九	山茶花	三五	青箱子
四	龍胆艸	二〇	姜黃	三六	枇杷葉
五	黃芩	二一	烏賊骨	三七	昆布
六	黃柏	二二	紫石英	三八	玫瑰花
七	白蘚皮	二三	紫檀	三九	狗脊
八	蘆根	二四	金櫻子	四〇	使君肉
九	貫衆	二五	生地	四一	山豆根
十	川楝子	二六	熟地	四二	石斛
一一	知母	二七	鮮生地	四三	大腹皮
一二	代赭石	二八	桑葉	四四	石南葉
一三	青蒿	二九	桑枝	四五	女貞子
一四	延胡	三〇	桑寄生	四六	當歸
一五	生薑	三一	桑椹子	四七	雷丸
一六	川芎	三二	桑白皮	四八	竹茹

四九	冬蟲夏艸
五〇	麥門冬
五一	山萸肉
五二	天門冬
五三	白頭翁
五四	何首烏
五五	牛膝
五六	蛇床子
五七	鷓鴣菜
五八	補骨脂
五九	杜仲
六〇	蚤休
六一	蒲公英
六二	天竺黃
六三	大黃
六四	莪朮
六五	漢防己
六六	木防己

六七	葛根
六八	赤芍
六九	白芍
七〇	遠志
七一	土牛膝根
七二	蒼朮
七三	白朮
七四	黃蓍
七五	丁香
七六	人中白
七七	人尿
七八	枳椇子
七九	馬勃
八〇	滑石
八一	元參
八二	白芨
八三	木瓜
八四	白芷

八五	羌活
八六	獨活
八七	天麻
八八	山藥
八九	黑芝麻
九〇	菟絲子
九一	覆盆子
九二	冬瓜子
九三	澤瀉
九四	燈心
九五	牛蒡
九六	蟬衣
九七	谷精艸
九八	西河柳
九九	蛤蚧
一〇〇	海狗腎
一〇一	羊肉
一〇二	車前

一〇三	猪苓	一二一	淡菜	一三九	紫艸
一〇四	通艸	一二二	磁石	一四〇	王不留行
一〇五	苡仁	一二三	酸棗仁	一四一	杏仁
一〇六	土茯苓	一二四	阿膠	一四二	白前
一〇七	赤苓	一二五	龜板	一四三	青皮
一〇八	茯苓	一二六	金汁	一四四	豆豉
一〇九	茯苓皮	一二七	佩蘭	一四五	木通
一一〇	抱茯神	一二八	威靈仙	一四六	草薢
一一一	白扁豆	一二九	蘇子	一四七	薤薢子
一二二	防風	一三〇	蘇葉	一四八	沉香
一二三	五茄皮	一三一	蘇梗	一四九	降香
一二四	金銀花	一三二	香附	一五〇	篇蓄
一二五	地丁艸	一三三	藿香	一五一	海金沙
一二六	大青	一三四	清豆卷	一五二	地膚子
一二七	薔薇根	一三五	大豆卷	一五三	梔子
一二八	漏蘆	一三六	赤小豆	一五四	松節
一二九	龍眼	一三七	菟蔚子	一五五	芫荽
一二〇	燕窩	一三八	桃仁	一五六	艸烏

一五七	椒目
一五八	畢澄茄
一五九	皂莢
一六〇	川椒
一六一	秋石
一六二	蠟
一六三	櫻欄皮
一六四	括婁
一六五	天花粉
一六六	赤石脂
一六七	白石脂
一六八	青黛
一六九	茵陳
一七〇	石決明
一七一	石膏
一七二	鈎藤
一七三	青礞石
一七四	郁李仁

一七五	朴硝
一七六	元明粉
一七七	風化硝
一七八	芒硝
一七九	蟾蜍
一八〇	水蛭
一八一	三稜
一八二	蠱虫
一八三	劉寄奴
一八四	
一八五	
一八六	
一八七	
一八八	
一八九	
一九〇	

大衆實用藥性辭源

中國醫學專修館教授馮伯賢編述

牡丹皮

〔性味〕辛、苦、寒。

〔主治〕涼血、散血、清熱、止血。專治一切血熱諸症。吐血、衄血、大便下血之類。外科能療癰瘡瘀積。

〔用量〕二錢至三錢。

〔處方〕配地榆、側柏、茜根、槐花、治熱症便血。與琥珀、木通、治血淋。佐山枝、連翹、青黛、百草霜、旱蓮、治血熱妄行、吐血、衄血。

〔禁忌〕入血之藥。表症勿用。痘症初起。亦所忌之。

〔雜論〕牡丹皮秉性寒之性。則清之。味辛能散之。苦能洩降之。行走血分。有香竄之性。功能涼血散血。治血中之熱。故內熱之體無汗。骨蒸以此爲專藥。昔人張石頑云。本品爲陰虛吐血及衄血等之要藥。以其既具疏洩鬱熱之功。復有行血消瘀之效。暨本經主寒熱中風。痲癰驚癇等證。亦以其味辛氣竄。有開發

之功。使邪外散。能清血中之熱。使之血行。得其常度。惟自汗多者。勿用。爲其走洩津液也。其症初起。勿用。爲其性專散血。恐有根不起發之慮。王安道云。志不足者。足少陰病也。故仲景腎氣丸用以瀉相火。後人惟知黃柏治相火。不知丹皮之功勝也。此乃千載祕奧。人所不知者也。又因瘀血積而成癥堅。瘀血留滯於腸胃。以此爲必用之藥。以其能行瘀散血。兼能涼血。故有破積生新引血歸經之功。犀角地黃湯用之以治傷寒溫病熱入血分。桂枝茯苓丸以治婦人妊娠宿有癥病。清經湯用之以治經事先期血熱所致。觀上諸方。則丹皮之功已明矣。惟其所主之病殊多。不勝枚舉。細究其因。則知血熱而成者。概可用也。

黃連

（太經名王連、附胡黃連。）

〔性味〕大苦、大寒。

〔功用〕本經治熱氣目痛。皆傷淚出。明目。腸辟。婦人

陰中腫痛。

〔用量〕二三分至七八分。

〔處方〕與姜半夏、生姜、竹茹、佛手、姜汁、炒川連、止嘔如神。與肉桂共研細末爲丸。治肝氣橫逆、心腕疼痛。與木通、車前、豬苓、澤瀉、治熱瀉。與龍胆草、石決明、赤芍、丹皮、治肝胆火熱上升、兩目紅赤。

〔禁忌〕虛寒爲病大忌。

〔雜論〕按仲景生薑瀉心湯、甘草瀉心湯、半夏瀉心湯、大黃黃連瀉心湯、附子瀉心湯、方中皆用黃連。足以黃連導心火下行。去實熱、凡苦寒諸藥、性潤者居多。惟黃連黃柏性寒而燥、能降火去濕、止瀉痢。故血痢與之爲君也。今人但見腸滲洩、略有微血、不顧寒熱多少、便用黃連。由是每多致危逆。致於虛冷白痢、及先瀉後痢之虛寒症、誤用致死者多矣。經云：諸痛瘍瘡皆屬于心。眼暴赤腫痛不可忍、亦屬心火。兼挾肝邪、俱宜黃連。故此品爲治痢及目疾之要藥。本經首言治熱氣目痛、及腸澼腹痛等患、取苦燥之性。以清頭目、堅腸胃、去濕熱也。婦人陰中腫痛、亦是濕熱

爲患。尤當以苦燥治之。古方治痢、有香連丸、用黃連、木香、止嘔有左金丸、治肝火鬱結、脅肋疼痛、用酒蒸川連、皆是寒因熱用、熱因寒用、而無偏勝之害。然苦寒之劑、中病卽止、不可使肅殺之氣、常行而伐生發中和之氣也。醫家有常服黃連反熱之說、此惟雖寒其味最苦、入胃、則先歸于心、久而不已、心火偏勝、則熱。此其理也。近代喜用黃連爲清劑、殊不知黃連瀉實火、若虛火而妄投、反傷中氣、陰虛火愈逆上、而無制矣。故陰虛煩熱、脾虛泄瀉、五更腎洩、婦人產後、血虛煩熱、小兒痘疹、氣作虛瀉、行漿水後脾瀉、慎勿妄投。

〔附胡黃連〕苦寒。爲小兒疳積要藥。能解胎毒。其性甚猛。脾胃不足者、勿用。服之奪人正氣、爲害非淺。當慎之。其用量八分至錢半。

龍胆草

〔性味〕味苦如胆汁。性大寒。

〔功用〕瀉肝胆之實火。去下焦之濕熱。

「用量」八分至一錢五分。

「處方」配銀花、甘草、連翹、治癰癤。配石決明、木賊草、青箱子、連翹、山枝、治目赤腫痛。

「禁忌」大苦大寒之品。脾胃虛弱。雖有肝火濕熱者。勿用爲妥。

「雜論」按龍胆草一味。爲本草中最苦最寒之品。以其味苦如胆。故有龍胆之稱。憑苦寒之性。能清肝胆。一切有餘之火。言其有殺蟲消疸之功。蓋蟲因濕熱而生。疸屬濕熱所致。如因虛而成者。慎勿用爲妥。目病赤腫。病由肝火上升。濕熱蘊蒸。故取其苦洩寒清之功。以瀉之也。李時珍曰。火寄在肝胆。有瀉無補。故瀉肝胆之熱。卽所以益肝胆之氣也。但大寒大苦。過傷胃中生發之氣。反助火邪者有之。亦如久服黃連。反從火化之義。本經主骨間寒熱。是主熱盛而將傷腎水而言。熱極生風。則發驚搐。重則變爲癇。以其專伐肝胆之邪也。殺蟲毒者。去濕熱之患也。證治準繩。龍胆草散。治上焦風熱。毒氣攻衝。眼暴赤腫。羞明流淚。龍胆飲。治肝經實熱。兩目赤痛。愀腫。沈氏尊生龍

胆苦參丸治谷疸。東垣龍胆瀉肝湯。治肝經濕熱不利口苦耳聾耳腫熱癢陰腫。以上諸方。其主治不外肝經有餘之邪。中下濕熱爲患。用以瀉肝胆之火。除濕熱足以盡其功矣。因其苦寒殊甚。故每以甘草同用。藉甘味以緩中也。惟龍胆苦參丸與苦參並用。此其中焦濕火元氣盛。使二苦之力。一蕩而除其病也。

黃芩

「性味」味苦、性寒。

「功用」清肝火瀉燥濕。

「用量」一錢五分至三錢。

「處方」配芍藥、甘草。治下痢膿血腹痛裏急後重身熱。與黃連治諸瘡痛不可忍。同元參治喉間乾痛。與白朮安胎。與半夏、陳皮、鬱金、茯苓、杏仁、厚朴、薏仁、清水豆卷。治濕熱初起。

「禁忌」胎寒下墜。脾虛便溏者。勿混用。

「雜論」按黃芩有枯芩、條芩之分。枯芩則中空性略帶上升。能清肌表之熱。條芩性降。瀉中下焦之火。除

胃中之鬱熱。得酒炒則行。主膈上諸熱。仲景治傷寒少陽症。用小柴胡湯。汗下不解。胸滿身煩。用柴胡桂枝干姜湯。溫病用黃芩湯。太陽少陽合病。用黃芩加半夏生薑湯。心下痞滿。用瀉心湯。寒熱吐逆。用姜黃芩黃連人參湯。以上諸方。皆用黃芩以治表裏諸熱。使邪從小腸而洩。本經主治諸熱。亦均用之。卽黃疸腸澼瀉利之治。取苦寒以祛濕熱也。

黃柏

〔性味〕性寒、味苦。

〔功用〕瀉相火、清濕熱。

〔處方〕配知母、澤瀉等清下焦濕火。配米仁、貫仲、治白帶。

〔禁忌〕虛火勿用。

〔雜論〕按張石頑云。黃柏苦燥。爲治濕熱之藥。觀本經主治五臟腸胃中結熱。黃疸腸瘍。止洩痢。女子漏下赤白。皆濕熱之候。卽漏下赤白。亦必由於濕熱甚。火氣有餘之患。非崩中久漏之比。言其腹痛百病。皆

火氣內充之候。仲景梔子柏皮湯。治身黃發熱。得其旨矣。蓋黃柏味厚而降。入下焦。凡痿厥無力。可用黃蘗湯中加黃柏。蒼朮。稱其治痿要藥。凡下焦濕熱。腫痛。或熱邪留戀膀胱。小便不利。宜黃柏。知母爲君。茯苓、澤瀉爲佐。凡小便不利。腹堅如石。腳腿腫脹。遍服治滿利。小便藥不效。此膏粱積熱。濕熱醞釀不化。宜滋腎丸主之。方用黃柏。知母。爲清熱利濕。入肉桂一味。辛溫四竄之品。爲引導之藥。服後少時。前陰覺熱。便下腫消。三妙丸方中亦引用黃柏。爲治一切濕熱。爲患腳氣病。藥舖中均有出售。代價低廉。吞服便利。如普通腳濕爲患。用三妙丸四五錢。淡鹽湯或開水吞服。可免湯藥之麻煩。大抵苦寒之性。利於實熱。不利虛熱。凡脾虛少食。或吐或瀉。或五更洩瀉。小便不禁。少腹冷痛。產後腫熱。皆宜忌之。又一種小而實如酸石榴者。名曰小柏。性亦相仿。

白鮮皮

〔性味〕鹹、苦、寒。

〔功用〕清熱。燥濕。祛風。一切熱毒。濕瘡。疥癬。皮膚病。均可加入。

〔用量〕二錢至三錢。

〔處方〕配地夫子、十槿皮、治頑癬。常與苦參同用。治濕癢。與蛇床子、百部、斑毛、大楓子、五倍子、綠礬、黃柏、浸入酒精內。外用敷濕癬疥瘡。一切皮膚病。奏効如神。

〔禁忌〕下部虛寒。雖有濕者。勿用爲妙。

〔雜論〕按本經所主治腫痛濕痺。死肌不可屈伸。皆濕熱蘊釀經中之病。以至關節不利。脈絡失宣。不通則痛。白鮮皮藉鹹以輕堅。苦寒清洩之功。堅消濕化熱清。則經絡流行。已復常態。諸恙自消矣。千金治嬰兒風癩。熱則生風。胸中有痰。用白鮮皮湯。取其善祛風熱也。白鮮皮功能清化濕熱。凡濕瘡頑癬。或婦人陰道奇癢。均屬濕熱爲患。與蛇床子濃煎薰洗。頗奏奇効。此乃經驗所得也。

蘆根（附葦莖）

〔性味〕甘寒。

〔功用〕清熱。益胃。生津。止嘔。滋潤肺燥。治溫病挾濕。消渴反胃。肺癰。傷寒裏熱。解魚蟹河豚諸毒。

〔用量〕一二尺。

〔禁忌〕表熱口渴勿用。

〔處方〕如口渴引飲。與白虎湯同用。熱病傷陰。與西洋參、沙參、竹葉、石斛、生地同用。

〔雜論〕按蘆根性寒味甘。入肺胃。以寒性則清之。以甘則生津。攷他種甘寒之品。性皆滋潤居多。惟蘆根甘寒生津清熱之中。兼有輕清開竅化濕之功。蓋普通利濕開竅之品。但有下行之性。而無生津益胃之力。蘆根生津益胃而不滋膩。利竅化濕而不傷津。此蘆根之功效偉大可知。所謂能治消渴。肺癰。傷寒裏熱。反胃溫病挾濕等症。亦取其甘寒清熱之力也。葉天士濕熱篇云。挾風則以薄荷、牛蒡。挾濕則滑石、蘆根。風溫之邪。最易傷津。夫濕溫溫宜化熱。濕易化燥。若進養陰生津。則碍濕。如投利濕通竅。則傷陰。蘆根有二美之功。致於消渴煩嘔。皆緣胃陰不足。胃中虛

火日熾。消灼陰液。降和不行。嘔吐反胃。津液不能上輸。則口渴。火蘊移小腸。則溲赤頻數。蘆根甘性。以養胃陰。寒則潤降胃火。火降則陰自復。葦莖有通降之性。清肺中之濕熱。瘀血肺癰。咳痰腥臭。或吐汚膿濁血。皆由濕熱瘀阻於肺絡。不能通降。葦莖清肺熱排膿血。爲肺癰之要藥。今則蘆根與葦莖不分。因其功用相彷彿也。

貫衆

〔性味〕苦、微寒。

〔近世功用〕清熱化濕。止崩帶。

〔用量〕錢半至三錢。

〔處方〕配米仁、黃柏治白帶。配丹皮、赤芍治痘疹毒盛。

〔雜論〕按貫衆多生山陰近水之處。爲肝胃血分之藥。苦寒而降。凡時行癘疫不正之氣。疫發之時。以此藥置水中食之。則不易傳染。觀本經主治腹中邪熱。亦是濕熱爲患。王海藏治夏月痘出不快。與時症藥

中加之。衛生寶鑑治一切熱毒諸症。均用貫衆。則知貫衆之功能涼血。清濕熱。今醫者往往爲調治白帶症主藥。蓋白帶之來。雖有濕熱所致居多。亦有因虛因寒而致者。素體之弱。脈沉細無力。神疲舌苔光白。以致帶脈失束。調治之法。又當溫補固澇。以束帶脈。故用藥之先。首宜細察症象。能辨症知因。安有藥到病不除之理耶。

川楝子（又名金鈴子）

〔性味〕苦、寒。

〔功用〕清肝化濕。殺蟲止痛。

〔用量〕二錢至三錢。

〔處方〕配柴胡、丹皮、澤瀉、青皮治疝痛。搜黃如肝熱下注。兼挾寒邪。加桂枝、茴香、荔枝核之類。與柴胡、廣玉金、青陳皮、江枳殼、白蒺藜等爲疏肝理氣藥。治肝氣上逆。胃脘疼痛。

〔禁忌〕脾胃虛寒忌之。

〔雜論〕按張石頑曰。川楝苦寒。性降。導濕熱下行。今

人但知爲治疳之品。而不知瀉熱止痛之用。本經主溫熱煩狂。亦取以引火毒下洩。而煩亂自除。古方金鈴子散。治心包火鬱作痛。卽婦人產後血結心痛。亦宜用之。以金鈴子能降火逆。延胡索能散結血。功勝失笑散。而帶腥穢傷中之患。昔人以川楝子爲疳氣腹痛。殺蟲利水之專藥。然每每用之不效者。不知川楝所主治寒束熱鬱之症。亦須于茴香同用。更須審其痛來由。如因胃寒而致者。以辛溫散之。苦寒之品。非所宜。諸痛皆爾。不獨疳氣爲然。

知母（又名連母）

〔性味〕苦寒。略帶甘味。

〔近世應用〕清肺滋腎瀉火。

〔主治〕本經消渴。中熱。除邪氣。肢體浮腫。下水。補不足。益氣等。

〔處方〕與黃芩、白朮、甘草、草果、川朴、柴胡、檳榔。治一切瘧疾。配石膏、葛根、甘草、銀花、竹叶。治壯熱口渴。心煩之陽明經病。與黃柏、黃連、山梔、生地、淮山藥、澤瀉。

丹皮。治陰虛火盛。配桑葉、菊花、山梔、龍胆、草丹、皮澤瀉、蟬衣。治肝火赤眼。配鼈甲、秦艽、骨皮、紫苑、歸身、柴胡、青蒿。治陰虛骨蒸。配玉竹、麥冬、元參、西洋參。治肺燥乾喘。

〔禁忌〕陽氣虛弱者勿用。

〔用量〕錢半至三錢。

〔雜論〕按知母沉降之品。入足少陰氣分。及陽明。手太陰。能清相火有餘。理消渴。煩熱。仲景白虎湯。酸漿仁湯。皆用之。下則潤腎燥而滋陰。上則清肺熱而除煩。但外感表症未除。盡者忌之。脾胃虛弱。服之令人作瀉。故虛損大忌。近世醫家。誤爲滋陰上劑。癆瘵神丹。因而失枉者多矣。本經主治除邪氣。肢體浮腫。是指濕熱水氣而言。故下文言下水。補不足。乃濕熱相火有餘。燥灼精氣之候。故用此清熱養陰。邪熱去則正氣復矣。黃坤載曰。知母清金洩熱。止渴除煩。傷寒白虎湯。金匱酸漿仁湯。桂枝芍藥知母湯。並用之。以其清金而洩火。潤燥而除煩也。知母寒苦之性。專除心肺而除煩燥。仲景用之。以洩上焦之熱也。惟其敗

脾胃而洩大腸。火衰土濕。大便不實者忌之。後世庸工。以此通治內傷諸病。滋水滅火。誤人生命。至今未絕。余考知母之功用。瀉火生津。以止渴。渴止則煩除。謂其能補水。故可退熱。以治虛勞骨蒸。省因非謂其傷敗脾胃者。亦非可知。用知母必具之症。「爲口渴心煩也。」

代赭石

〔性味〕苦、寒。

〔主治〕別錄帶下百病。難產胞不出。大人小兒驚風。大明止反胃吐血鼻衄。

〔近世應用〕鎮氣逆。平肝火。

〔用量〕三錢至一兩。

〔禁忌〕若無驚癇噎痞等症。宜酌用。

〔雜論〕按代赭石性屬礞質。爲土與金化凝而成。乃似石而非石也。本重質堅。用以鎮氣逆。凡稍知藥物之原理者。類能知之。此卽仲景旋覆代赭湯之義也。蓋肺爲百脈所朝。氣若上逆。肝爲將軍之官。氣急易

升。胃氣以下行爲順。腎以潛納爲安。諸凡欬逆反胃等症。無非由于氣之不順也。如代赭石之義。則謂色赤。兩性苦寒。故可以清血熱。諸凡漏下失血等症。無非皆血熱之爲病也。據此謂可統治血分之病。然其原理。似屬牽強。蓋衄血爲血熱上行。可用苦寒重鎮之品。理固然也。致於漏下崩中。每多氣虛下陷。而用以鎮逆。不更益其虛乎。此於原理上。胡能自圓其說。然則用以煨過。則鎮逆之力已無。而和血之功確有。以其苦寒之性。經煨紅水飛。轉爲平性。重垂之質。轉爲輕靈。或謂向重質。何以轉輕。余曰石膏滑石非重質乎。何能行肌。倘能悟及於此。當可無疑也。故鎮逆之功。轉爲和血。凡治失血症。無不神效。昔日余於診察時。有一婦人。經帶淋漓不絕。非紅卽白。非白卽紅。綿延二載。舉凡寒涼溫熱。益升調養。止瀉之品。用之不効。後檢本草卽曰。代赭石煨研粉末。米飲調服。盡三四兩而至。後以平氣調血而復元。當時本以爲偶効。今始大悟。是則代赭石和血之中。兼補兼斂。西醫補血之劑。每以鐵質提煉取汁。代赭石金屬鐵質。經

煨經煉其功較西醫之鐵質更有過之無不及也。

青蒿

〔性味〕辛、苦、寒、（子）甘寒。

〔選用〕清香者佳。青蒿梗、青蒿子、青蒿珠。

〔主治〕本經疥、癢、癰、瘡、惡瘡、殺蟲留熱在骨節。時珍治瘧疾寒熱。

〔近世應用〕清水化濁理氣退虛熱。

〔用量〕一錢半至二錢。

〔處方〕配佩蘭、藿香、清暑熱。配蘇梗、通治寒熱。配知母、黃芩、統治溫暑瘧疾。配連芥、鱉甲、地骨皮、柴胡、治骨蒸勞熱。配白薇、治少陽陽明血分伏熱。配省、豆、草、茵陳、治虛熱黃疸。配芩、連、川、柏、生地、歸、芍、地、榆、荆、芥、治紅痢。

〔禁忌〕陽虛泄瀉者勿服。

〔雜論〕按青蒿發於早春。二月爲少陽旺時。故治少陽厥陰血分之病。生長於盛夏。故凡暑濕爲病。無不治之。七八月開花。又得秋金之氣。故可用以清滲痰。

瘧。本屬少陽。而發於夏秋間者。所謂夏傷於暑。秋爲瘧。瘧。柴胡之性。偏於外散。因風寒內遏。固所宜也。若暑濕內遏。則宜清洩。故葉案中。每用青蒿。以代柴胡。如風溫瘧。則以青蒿配黃芩、連、香、杏、仁、滑、石、竹、葉、等品。如溫暑伏於少陽血分。脈弦而熱。暮深汗解者。則以青蒿配鱉甲、知母、丹皮、花粉、桑葉等品。如肺瘧。腕悶。則以青蒿配杏仁、扣仁、黃芩、白、勺、橘、紅、等品。如暑邪變瘧。則煩冤。雖因勞倦傷氣。遺泄傷陰。亦不必顧。而宜先從於分解。則以青蒿配知母、草果、黃芩、花粉、川貝等品。此王孟英所以有時瘧正瘧之分也。古方中惟羅謙甫秦芩鱉甲治風勞骨蒸盜汗。至本經所云留熱在骨節間者。蓋風爲陽邪。風生熱。而熱生風。且又深入而附於骨。風火相搏。陰枯血虛。故用鱉甲滋陰。當歸和血。柴胡、青蒿去風邪可外出。知母、骨皮止咳而除蒸。烏梅則寒熱並斂。然非青蒿則無以徹內徹外而解其蒸也。至爲惡瘡、疥、癢。本屬濕熱爲病。至結痂而作痒。則濕已化燥。非青蒿又何以治之乎。所以能殺蟲者。蟲從濕火所生也。以其有化濕之